



Broj:10-33-58637-17-145/25
Sarajevo, 26.02.2026.godine

SKUPŠTINA KANTONA SARAJEVO
Služba za Skupštinske poslove

PREDMET: Odgovor na zastupničku inicijativu-dostavlja se

Zastupnica Fatima Gavrankapetanović-Smailbegović je na Dvadeset i osmoj Radnoj sjednici Skupštine Kantona Sarajevo, održanoj 29.12.2025.godine, u okviru tačke Dnevnog reda „Poslanička/zastupnička pitanja, inicijative i odgovori“ uputila inicijativu za mogućnošću finansiranja lijekova za rijetke i teške bolesti i to: plućna arterijska hipertenzija, hronična tromboembolijska plućna hipertenzija, transtiretinska amiloidoza te Fabryjeva bolest.

U vezi sa dostavljenom inicijativom, Ministarstvo zdravstva Kantona Sarajevo dostavlja sljedeći

ODGOVOR

U vezi sa Vašom zastupničkom inicijativom koja se odnosi na osiguravanje finansiranja terapije za rijetka i teška oboljenja, obavještavamo Vas da smo vašu inicijativu uputili Zavodu zdravstvenog osiguranja Kantona Sarajevo te smo zaprimili njihov odgovor broj 01-02-1-1756/25 od 11.02.2026. godine, kojim su dostavili svoje izjašnjenje po predmetnom pitanju. Cjelokupan odgovor dostavljamo u prilogu.

Iz dostavljenog akta proizlazi da su sredstva Finansijskim planom Zavoda za 2026. godinu već raspoređena za realizaciju postojećih posebnih programa, te da prema važećim zakonskim i podzakonskim aktima, kao i ustaljenoj praksi u Federaciji Bosne i Hercegovine, finansiranje lijekova za rijetke bolesti spada u nadležnost Federalnog ministarstva zdravstva, odnosno Fonda solidarnosti Federacije BiH.

Imajući u vidu navedeno, kao i činjenicu da oblast rijetkih bolesti zahtijeva sistemsko i jedinstveno rješenje na nivou Federacije Bosne i Hercegovine, ovo Ministarstvo će inicirati pokretanje inicijative prema Federalnom ministarstvu zdravstva u cilju razmatranja i regulisanja ovog pitanja.



Naglašavamo da su nam pacijenti i njihovo pravo na dostupnu i adekvatnu terapiju od izuzetnog značaja. Upravo iz tog razloga smatramo da je neophodno uspostaviti održiv i jasno definisan model finansiranja terapija za rijetke bolesti na federalnom nivou, kako bi se osigurala jednakost prava svih pacijenata u Federaciji BiH.

S poštovanjem,

DOSTAVITI:

- Naslovu
- a/a



MINISTAR

Prim

vić



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba



638

Broj: 01-02-1-1756/26
Sarajevo, 11-02-2026

MINISTARSTVO ZDRAVSTVA KANTONA SARAJEVO
UL.REISA DŽEMALUDINA ČAUŠEVIĆA BR.1
71000 SARAJEVO
N/R MINISTAR, MR.MED.SCI.DR. ENIS HASANOVIĆ

Bosna i Hercegovina
Federacija Bosne i Hercegovine
KANTON SARAJEVO
13-02-2026

PRIMLJENO	10	33	58637-17-145
Organizacija			
Datum			

Predmet: Odgovor na zastupničku inicijativu

Hasa
17.02.26

25

Poštovani,

Vašim aktom 10-33-58637-17/25 od 27.01.2026. godine, dostavili ste nam zastupničku inicijativu zastupnice Fatime Gavrankapetanović-Selimbegović sa sjednice Skupštine Kantona Sarajevo održane 29.12.2025. godine za osiguravanje finansiranja terapije lijekovima za rijetka i teška oboljenja i to: plućnu arterijsku hipertenziju (bosentan, macitentan, sotatercept), hroničnu tromboembolijsku plućnu hipertenziju (riociguat), transtiretinsku amiloidozu (tafamadis, vutrisiran), te Fabryjevu bolest (alfa agalzdaza). Prema dostavljenoj inicijativi navedeni lijekovi bi se trebali finansirati u okviru sredstava 2.4.4. Lijekovi po posebnim programima korigovani zaključkom Vlade KS a koju su prema usvojenom Finansijskom planu Zavoda za 2026. godinu predviđena u iznosu od 9.175.000 KM.

Navedenom pozicijom Finansijskog plana Zavoda predviđena su sredstva za finansiranje postojećih Protokola o realizaciji programa obezbjeđenja lijekova i to za:

Program	Plan 2026 (KM)
Akromegalija i neuroendokrini tumor	200.000
Atopijski dermatitis	350.000
Bezglutensko brašno	350.000
Cistična fibroza	150.000
Enteralna prehrana	1.500.000
Hormon rasta	1.350.000
Juvenilni idiopatski artritis kod djece	450.000
Palijativna njega	220.000
Plućna hipertenzija	60.000
Psorijaza	850.000
Reumatoidni artritis za odrasle	3.675.000
Tuberkulostatici	20.000
Total	9.175.000




Sva unaprijed planirana sredstva su predviđena prema dinamici i očekivanim troškovima postojećih protokola, zbog čega dodavanje novih protokola u okviru navedenih sredstava nije moguće jer bi se time ugrozilo finansiranje postojećih protokola za koja su sredstva već predviđena usvojenim Finansijskim planom.

Naglašavamo da je u skladu u zakonskim i podzakonskim aktima koji su u primjeni u FBiH, kao i sa utvrđenom praksom liječenja pacijenata skupim lijekovima, upravo Zavod zdravstvenog osiguranja i reosiguranja FBiH odnosno Fond solidarnosti nadležan da nabavlja ovu vrstu lijekova za sve pacijente u FBiH, a ne direktno kantonalni fondovi.

Obzirom da Zavod zdravstvenog osiguranja Kantona Sarajevo uvijek podržava širenja prava i pružanje najbolje moguće zdravstvene zaštite svojim osiguranicima, u skladu sa svim naprijed navedenim razlozima i mogućnostima, predlažemo da se navedena inicijativa hitno uputi prema Zavodu zdravstvenog osiguranja i reosiguranja FBiH koji ima stvarnu nadležnost da nabavlja ovu vrstu lijekova za sve pacijente u FBiH.

S poštovanjem,



Mr.sc.i.oec.Muamer Kosovac

Dostaviti:

1. Naslovu;
2. Kabinet Direktora;
3. Služba za farmaceutske poslove;
4. a/a.